

2. gr.

Handsömunargjald skv. b-lið 2. gr. sömu samþykktar skal vera kr. 3.000 í fyrsta skipti en síðan hækkar það í kr. 4.500 ef til handsömunar kemur aftur innan sex mánaða frá fyrri handsömun.

3. gr.

Um vexti af vangreiddum gjöldum skv. gjaldskrá þessari gilda almennar reglur.

4. gr.

Gjaldskrá þessi er samþykkt af bæjarstjórn Ölfuss með tilvísun til heimildar í samþykkt um hundahald í Ölfusi nr. 772/1999 og gildir fyrir árið 2003.

Bæjarstjórinn í Ölfusi, 24. janúar 2003.

Ólafur Ragnarsson.

AUGLÝSING

um deiliskipulag í Kópavogi.

Vatnsendi. Milli vatns og vegar. Vatnsendablettir 206, 716 og 719. Deiliskipulag.

Í samræmi við skipulags- og byggingarlög nr. 73/1997, með síðari breytingum, hefur bæjarráð Kópavogs þann 5. desember 2002 samþykkt tillögu að breyttu deiliskipulagi á svæðinu Milli vatns og vegar í landi Vatnsenda. Nánar tiltekið varðar breytingin Vatnsendabletti 206, 716 og 719. Í tillögunni felst að leigulandið að Vatnsendabletti 206 er stækkað til norðurs. Nyrst á leigulandinu er gert ráð fyrir byggingarreit fyrir einbýlishús með aðkomu frá Sveinsstaðavegi. Afmörkun lóða að Vatnsendabletti 716 og 719 breytist.

Uppdrættir hafa hlotið þá meðferð sem ofangreind lög mæla fyrir um.

Skipulagið öðlast þegar gildi.

Kópavogi, 23. janúar 2003.

Skipulagsstjóri Kópavogs,

Birgir H. Sigurðsson.

AUGLÝSING

um deiliskipulag á Akureyri.

Íbúðarsvæði sunnan Reynilundar.

Bæjarstjórn Akureyrar hefur þann 3. desember 2002 samþykkt deiliskipulag íbúðarreits sunnan Reynilundar. Skipulagið gerir ráð fyrir 5 einbýlishúsum, 2 parhúsum og 24 íbúðum í fjölbýlishúsum.

Skipulagsuppdráttur og skilmálar hafa hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

Breytt deiliskipulag svifbrautar í Hlíðarfjalli.

Bæjarstjórn Akureyrar hefur þann 9. október 2002 samþykkt breytingu á deiliskipulagi fyrir svifbraut í Hlíðarfjalli. Breytingin felst í fjölgun bílastæða við Skíðastaði.

Skipulagsbreytingin hefur hlotið þá meðferð sem skipulags- og byggingarlög mæla fyrir um og öðlast hún þegar gildi. Að öðru leyti gildir áfram deiliskipulag sem samþykkt var í bæjarstjórn Akureyrar 6. mars 2001.

Akureyri, 28. janúar 2003.

F.h. Akureyrarbæjar,

Bjarni Reykjalin, skipulags- og byggingarfulltrúi.

AUGLÝSING

ríkisskattstjóra nr. 5/2003 um framlengingu á fresti skattstjóra til að afgreiða kærur lögaðila vegna álagningar opinberra gjalda 2002.

Með vísan til 118. gr. laga nr. 75/1981, um tekjuskatt og eignarskatt, hefur ríkisskattstjóri ákveðið að breyta tímamarki því sem skattstjórum er sett, sbr. 99. gr. sömu laga, til að úrskurða kærur sem bárust vegna álagningar opinberra gjalda á lögaðila er lauk 31. október 2002.

Skattstjórar skulu hafa lokið við að úrskurða kærur þessar eigi síðar en 2. apríl 2003. Auglýsing þessi tekur þegar gildi.

Reykjavík, 21. janúar 2003.

Ingvar J. Rögnvaldsson vararíkisskattstjóri.

REGLUGERÐ

um innheimtu jöfnunargjalds vegna alþjónustu á árinu 2003.

1. gr.

Jöfnunargjald vegna alþjónustu skal greitt á tíu gjalddögum á árinu 2003. Gjalddagar eru fyrsti dagur hvers mánaðar nema í janúar og í þeim mánuði sem álagningu þinggjalda lýkur samkvæmt ákvörðun fjármálaráðherra. Eindagi er einum mánuði síðar. Við skiptingu fyrirframgreiðslu og eftirstöðvar álagningar skal við það miðað að ekki sé til innheimtu lægri fjárhæð jöfnunargjalds vegna alþjónustu að viðbættum öðrum þinggjöldum en kr. 2.000. á hverjum gjalddaga.

Dráttarvextir reiknast frá gjalddaga hafi ekki verið greitt á eindaga.

2. gr.

Þar til álagning ársins 2003 liggur fyrir skal hver gjaldandi greiða fyrirfram upp í álagningu ársins. Greiðslan á hverjum gjalddaga skal nema 10% af jöfnunargjaldi vegna alþjónustu, sbr. 1. gr., er greiða bar á árinu 2002.